

PRIJEDLOG ODLUKE

Na osnovu člana 17. Zakona o Vijeću ministara ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08) i člana 6. stav 3. Zakona o vanjskotrgovinskoj politici BiH („Službeni glasnik BiH“, broj: 07/98 i 35/04), Vijeće ministara Bosne i Hercegovine na sjednici održanoj _____ donosi:

ODLUKU

O PRIVREMENOJ ZABRANI IZVOZA TRUPACA I UVOĐENJU PRIVREMENIH IZVOZNIH TAKSI NA ODREĐENE DRVNE SORTIMENTE

Član 1.

Ovom odlukom propisuje se mjera zabrane izvoza trupaca i izvozne takse na određene drvne sortimente, radi zaštite potreba privrede u Bosni i Hercegovini i zaustavljanja prekomjerne sječe u Bosni i Hercegovini.

Alternativa I

Član 2.

Zabranjuje se pravnim i fizičkim licima da vrše promet trupaca, izvan područja Bosne i Hercegovine (tarifna oznaka: 4403 11 00 00, 4403 12 00 00, 4403 21 10 00, 4403 21 90 00, 4403 22 00 00, 4403 23 10 00, 4403 23 90 00, 4403 24 00 00, 4403 25 10 00, 4403 25 90 00, 4403 26 00 00, 4403 91 00 00, 4403 93 00 00, 4403 94 00 00, 4403 95 10 00, 4403 95 90 00, 4403 96 00 00, 4403 97 00 00, 4403 98 00 00, 4403 99 00 00).

Alternativa II

Član 2.

Uvodi se taksa na izvoz trupaca, izvan područja Bosne i Hercegovine (iz tarifnih oznaka: 4403 11 00 00, 4403 12 00 00, 4403 21 10 00, 4403 21 90 00, 4403 22 00 00, 4403 23 10 00, 4403 23 90 00, 4403 24 00 00, 4403 25 10 00, 4403 25 90 00, 4403 26 00 00, 4403 91 00 00, 4403 93 00 00, 4403 94 00 00, 4403 95 10 00, 4403 95 90 00, 4403 96 00 00, 4403 97 00 00, 4403 98 00 00, 4403 99 00 00).

Visina takse za izvoz trupaca iz stava 1. ovog člana iznosi 200 KM po m³ ili toni.

Član 3.

Uvodi se taksa za izvoz drvnih sortimenata iz tarifnih oznaka:

4401 11 00 00, 4401 12 00 00, 4401 21 00 00, 4401 22 00 00, 4401 39 00 00, 4401 40 10 00, 4401 40 90 00, 4406 11 00 00, 4406 12 00 00, 4406 91 00 00, 4406 92 00 00, 4407 91 15 00, 4407 91 31 00, 4407 91 39 00, 4407 91 90 00, 4407 92 00 00, 4407 93 10 00, 4407 93 91 00,

4407 93 99 00, 4407 94 99 00, 4407 95 10 00, 4407 95 99 00, 4407 96 99 00, 4407 97 99 00, 4407 99 27 00, 4407 99 40 00, 4407 99 90 00.

Član 4.

Visina takse iz člana 3. iznosi:

Ogrijevno drvo u oblicama, cjepanicama, granama, snopovima ili sličnim oblicima:

- 4401 11 00 00 crnogorično - 50 KM po m³ ili toni
- 4401 12 00 00 necnogorično - 50 KM po m³ ili toni

Iverje, trijeske i slično:

- 4401 21 00 00 crnogorično - 50 KM po m³ ili toni
- 4401 22 00 00 necnogorično - 50 KM po m³ ili toni

Piljevina, otpaci i ostaci, aglomerisani u oblice, brikete, pelete ili u slične oblike:

- 4401 39 00 00 ostali - 50 KM po m³ ili toni

Piljevina, otpaci i ostaci, neaglomerisani:

- 4401 40 10 00 piljevina - 50 KM po m³ ili toni
- 4401 40 90 00 ostalo - 50 KM po m³ ili toni

Drveni željeznički ili tramvajski pragovi:

- 4406 11 00 00 crnogorično - 100 KM po m³ ili toni
- 4406 12 00 00 necnogorično - 100 KM po m³ ili toni

Ostali:

- 4406 91 00 00 crnogorično - 100 KM po m³ ili toni
- 4406 92 00 00 necnogorično - 100 KM po m³ ili toni

- 4407 91 15 00 brušeno, spojeno na krajevima, blanžano ili ne, brušeno ili ne - 200 KM po m³ ili toni
- 4407 91 31 00 blokovi, lamele i daščice za parket i drveni pod, nesastavljene - 200 KM po m³ ili toni
- 4407 91 39 00 ostalo - 200 KM po m³ ili toni
- 4407 91 90 00 ostalo - 200 KM po m³ ili toni
- 4407 92 00 00 bukovo - 200 KM po m³ ili toni
- 4407 93 10 00 blanžano, spojeno na krajevima, blanžano ili ne, brušeno ili ne - 200 KM po m³ ili toni
- 4407 93 91 00 brušeno - 200 KM po m³ ili toni
- 4407 93 99 00 ostalo - 200 KM po m³ ili toni
- 4407 94 99 00 ostalo - 200 KM po m³ ili toni
- 4407 95 10 00 brušeno, spojeno na krajevima, blanžano ili ne, brušeno ili ne - 200 KM po m³ ili toni
- 4407 95 99 00 ostalo - 200 KM po m³ ili toni
- 4407 96 99 00 ostalo - 200 KM po m³ ili toni
- 4407 97 99 00 ostalo - 200 KM po m³ ili toni

- 4407 99 27 00 blanžano; spojeno na krajevima, blanžano ili ne, brušeno ili ne - 200 KM po m³ ili toni
- 4407 99 40 00 brušeno - 200 KM po m³ ili toni
- 4407 99 90 00 ostalo - 200 KM po m³ ili toni.
-

Član 5.

Uplata sredstava iz člana 4. ove odluke vršit će se na Jedinšteni račun Uprave za indirektno oporezivanje BiH, a u svrhu:

- deminiranja šuma u Bosni i Hercegovini
- očuvanja šuma
- izgradnje i razvoja šumskih puteva
- zaštite od požara
- pošumljavanja.

Vijeće ministara BiH će u roku od tri mjeseca od stupanja na snagu ove odluke donijeti Odluku o načinu raspodjele sredstava iz stava 1. ovog člana.

Član 6.

Ova odluka stupa na snagu osam dana nakon objave u Službenom glasniku BiH, a primjenjuje se od 01.01.2019. godine.

Član 7.

Ova odluka važi 24 mjeseca od početka primjene.

Obrazloženje

Drvoprerađivači u Bosni i Hercegovini se već godinama susreću sa problemom nedostatka sirovine, jer veliki postotak izvoza otpada upravo na sirovinu i rezanu građu. Ogromne količine, a posebno liščara, se sjeku nelegalno (kradu) i izvoze u nižim fazama prerade iz BiH.

Iako je više od pola teritorije BiH prekriveno šumama, drvoprerađivači su zbog loših zakonskih rješenja i nepravedne raspodjele na području naše države, prinuđeni da uvoze sirovinu.

Zbog toga je neophodno uvesti mjere kojima će se zabraniti izvoz trupaca i uvesti takse na izvoz određenih drvnih sortimenata, čime će se podmiriti potrebe drvoprerađivača u BiH.

Podmirivanjem potreba drvoprerađivača u našoj državi, posebno drvoprerađivača koji imaju veći stepen finalne obrade drveta, povećat će se broj zaposlenih u ovom sektoru. Nova zapošljavanja dovode do povećanja potrošnje i do većeg punjenja budžeta i vanbudžetskih fondova. Prioritet stoga mora da bude na izvozu finalnih proizvoda, a ne sirovina.

Napomenut ćemo da je 90-tih godina broj zaposlenih u drvoprerađivačkoj industriji bio 90.000, a danas je broj uposlenih u ovoj oblasti oko 30.000 ljudi. Što znači da je potencijal da u ovoj oblasti radi još 60.000 ljudi ukoliko se omogući dovoljno sirovina za rad. To bi dovelo do

pozitivnog utjecaja na poboljšanje vanjskotrgovinskog bilansa. Također, treba imati u vidu da su prirodni resursi obnovljivi, ukoliko se racionalno iskorištavaju. Zbog toga bi trebalo spriječiti neracionalno korištenje i izvoz, te uvesti mjere za očuvanje šuma kao privrednog razvojnog resursa. U konačnici to bi dovelo do povećanja konkurentnosti, ali i cjelokupnog razvoja naše države.

Uporednopravna analiza propisa zemalja okruženja i zemlja evropske unije pokazuje da je većina zemalja uvela takse na izvoz drvnih sortimenata ili skroz zabranila njihov izvoz.

Tako naprimjer, Austrija, Hrvatska, Crna Gora, Kosovo već dugi niz godina imaju takse na izvoz određenih drvnih sortimenata. Neke zemlje su otišle korak dalje i skroz zabranile sječu šuma. Primjer za takve države su Albanija i Italija.

Zemlje evropske unije koje imaju značajan šumski etat, a koje nisu uvele ovu taksu su zemlje koje nemaju finalnu proizvodnju.

Također, naš prijedlog je da se sva sredstva koja se prikupe od taksi usmjere na deminiranje i očuvanje šuma u BiH, na izgradnju i razvoj šumskih puteva u svrhu zaštite od požara i na pošumljavanja. U BiH je minirano oko 120.000 hektara šuma, što onemogućava eksploataciju. Deminiranjem bi se omogućilo da se iskoriste šumska bogatstva kojima raspolaže BiH, poveća broj sirovina u drvoprerađivačkoj industriji, a samim tim bi se povećao obim posla i zaposlenost u ovom sektoru.

Šume u BiH predstavljaju jedno od njenih najvećih i najvažnijih prirodnih bogatstava i dobro osmišljena strategija razvoja i iskorištavanja ovog velikog prirodnog bogatstva može biti pokretač ukupnog ekonomskog razvoja BiH.

Drvena industrija je tradicionalno jedna od vodećih izvoznih grana bh. privrede i lider u ostvarenom vanjskotrgovinskom suficitu. Bez obzira na tu činjenicu nema poticaja ni stimulacija od strane nadležnih institucija.

Shodno navedenom, molimo vas da shvatite značaj naše inicijative i donesete odluku kojom ćete zaštititi drvoprerađivače u BiH, a ujedno doprinijeti i cjelokupnom razvoju naše države.

Ukoliko iz nekih razloga nije moguće prihvatiti naš prijedlog da se zabrani izvoz trupaca, molimo vas da razmotrite i prihvatite naš alternativni prijedlog za uvođenje taksi na izvoz trupaca. U tom slučaju naziv Odluke bi glasio: Odluka o privremenom uvođenju izvoznih taksi na određene drvene sortimente.